

Тэрэ хуралгънд белдвр

*Хальмг тангъччин селәнә эдл-ахун
управленә агроном А. В. Пшеничный мана
корреспондентлә кесн күүндвр*

Хальмг тангъччар тэрэ хурах цаг өбрдәд ирв. Ургъсн тэрәг нег — чигн буудә урәл уга, ахр цагин болзгт хурадж авлгън — МТС-н, колхозмудин болн совхозмудин эркн чинртә төр болджана. Тер төләд тэрә хуралгънд урдаснь сән белдвр кех кергтә.

Тэрә хуралгън эклх цаг ирв, болв белдврин кәдлмш ода күртл дуусгдад уга. Хальмг тангъччар ясгдх зөвтә 171 трактормудас зуг 133 трактормудас ясгдв, эс гидж 78 процент ясгддж. Энүгәр авад хәләхлә, тэрә хуралгъна белдвр муугър кегдджәнә гидж тоолдж болджана.

Зәрм МТС-әр трактормудас яслгъна кәдлмш дегд муугъар кегддж йовна, үлгүрлхд, Пристенск МТС-д ясгдх зөвтә 11 трактормудас зуг 4 трактор ясгддж. Яшалтинск района Сладковск МТС-д ясгдх 26 трактормудас 13 трактор ясгдв. Эдү мет муугъар трактормудас яслгън Сарпинск райо на Садовск МТС-д, Западн района Виноградненск МТС-д кегдджәнә.

Тэрә хуралгънд сәәнәр белдвр кеджәх МТС-уд бәәцхәнә Удурнь, Яшалтинск района Степновск МТС трактормудас яслгъар түрүн нүүрт йовна. Эдн ясгдх зөвтә 16 трактормудан ясад дуусчкв. Эдү метәр эн района Соленовск МТС ясврин кәдлмшән төгсәв. Мушәр трактормудас яслгън Сарпинск района Мало-Дербетовск болн Западн МТС-әр кегддж йовна. Эднд ясгдх хошагъад трактор үлдв.

Тэрә хуралгънд 325 комбайн,

232 лафетн тэрә хаддг машин, хадсн тэрә хурадг (подборщик) 257 машид белдгдв, нургълдж эн шин ирсн машид. Эн джилд тангъччд кесг оли зүсн машид ирджәнә. Тэрәнә хуралгънд „ДТ-54“ гидг 60 трактор, 138 комбайн, тертоод „С-08“ гидг өргндән 6 метр газр хаддг 60 комбайнс бәәнә. Эдн шин гарсн машид, тэрә хуралгънд шинкән олзлгдхмн.

Тэрә хуралгън хойр болзгар кегдхмн. Эртәр хурагдх болзгт намрар тәрсн хар гуйр болн ичмә, хаврар тәрсн буудән болн тосна культур гидж 143 мингъгн гектар хурагдх зөвтә, ора тәрсн 9.370 гектар нарн цецгә, зарм болн тәрмр өвснә эк авх тәрән хурагдхмн.

Комбайнар хурагдх учаскудиг тэрә хуралгъна өмн төгәлүләд хадхиг июнин 20 авн эклхмн. Өдгә цагт буудәг урәл уга авхин кергт тэрә хуралгъна кәдлмшиг ховагдсн хуралгъар кегдхмн. Ховагдсн хуралгъар мана тангъччар 39.275 гектар тәрән хурагдхмн, эн кәдлмш июнин 23 авн эклхмн.

Тэрәнә белдврт нань чигн ясх, белдх зер-зев бәәнә. Ургъсн тэрәг ахр болзгт хурадж авлгън — буудә цеврлгдх сортировкс, чингнүрлх чингнүр, нань чигн зер-зевс, тер дотрток белдлгън — тэрәнә хуралгъин ахр болзгт күцәхд бас нег дөнъ-нөкднь болхмн.

Дээр келгдсн дугу-дундиг даругъас уга кедж, цуг хамг эв-аргъан тэрә хуралгъна белдврт олзлгън МТС-н, хозмудин, совхозмудин болн эклц партийн организацсин эркн чинртә төр мөн.